



C'est vrai ! Chacun doit le savoir.

Texte original: Claire-Lise de Benoit

Illustrations: Annie Vallotton

Ma fɔkpà taalae bee kyokenawa

Ni laasookeɛ? Ni o bɔyɛi má ku dũniaua?
Kpelewa dũnia dàalei? Bɔyɛi wi gai?
Má fɔ Lua dɔa? Ì laaidɔaa?
Kpelewa gbɛnazĩna yã a midei?
Deme Yesu ũi?

Taalae bee a dɔnle ñ yã beɛ dɔ.
A Lua Ne Yesu yã dau siune.
Yãpi maa deŋla pii.
Za a daalekĩi e a midekĩiá sĩanae.
A yã doũ ñ yã pɔ ñ dɔɔo.
Àle gbɛ pɔ ku za yãa yã'o.
Gbɛpi ku gbã ñ ziao e gɔɔpiie.
Nýɔ yãɔ e kɛa ɔkɔɔ zãnguo
Beeá Bibeli yãe, Lua yãe.
Tó n taalapi kyokè ñ làa, bɔ gbɛpãlee



Kpelewa dũnia dàalei?

Deme ãatē ní mɔvuao ní saanao kè aa ku musu luabei? Bão ní kpɔo ní netēnao ní gbēnazĩnao dũnia guu pii, deme ní kái? Bɔme ku za káau e Lua ào gé dũnia keii?

Gbēeo ì me, pɔe kuo. Sĩana no! Asa pɔe lí bɔ ní azĩao gugiiuo. Gbēeo ì me: Pɔe ku busu kòtē ù, ò teetee à gò dũnia pɔ wá kálewàe bee ù. Wá fõ wà yã bee si sõo.

Wápiɔ, wá dodoa ní pɔɔe. Wio yekõzi, wi laasooke, wi yã pɔ wále a laasookepi o. Gbe a fõo, lávu ge biowe a fõo. Gbēnazĩnaon wá ù.

Yã bee wea súsu ku men doe, òn ke: Za káau e Lua ào gé dũnia kei, Gbēe ku! Taala pɔ wì me Bibeli mé ò màa. Lápi sĩana vĩ à mè: **A sĩnizĩ Lua musu ní dũniao kè** (Daalea 1.1).



Pɔe lí azīa keo. Kpé lí azīa dɔo. Kpedɔna ì laasookeɛ, ɔ̃ ì a dɔa taataa ke. A gbea ì kpedɔɔɔ dile, ɔ̃ ì na zīwa ní zīkenao. Ɔ̃ ì gbasa kpépi dɔ. gbēpii i e, i dɔ́ ké kpedɔna ku, baa ké aai aà eo.

Lua laasookè màa, ɔ̃ à zèdò á musu ke ní tɔɔleo. Ɔ̃ a kè.

Dii yá'oa mé musu kè, aà lé'iana mé musupɔɔ pèpɛ.

À í kàaa gudoũ à gɔ̃ ísia ũ, à íɔ kàle à gɔ̃ ísi ũ. Dũnia gbēpii, à víake Diie, gbé béeɔ pii, à misiileè. Asa à yá'ò ɔ̃ dũnia kè, à yádile ɔ̃ à gɔ̃ kalea. (Soũ 33.6-9)

Dii wá Lua, n ka wà n tɔɔ, wí beɛɛ ní gbāao dɔne, asa mme pɔpii kè, an

kea ní kua de n pɔeã ũe (Zia 4.11).

Gbēɔn pla pɔ gè mɔvuau káau aa taa'òwao mè, wi Lua e weo, bee mè a kuo. Misaiyãe! Tó éna pɔ lé baale zé guu mè, i gbēnazīna eo, bee yāi gbēnazīna kuio, nýɔ̃ oè: Misaide, gomala! Gbēnazīna ku sīana. Nýɔ̃ fɔ̃ bee lilɛo. **Misaideɔ ò ní sũ Lua kuo** (Soũ 14.1).

Lua ku! A ku we! Wili aà e ní wéoo, āma wi pɔ pɔ a kèò e. Beeá sīanaɛ, baa tó gbēpii lé o Lua kuo. **Lua pɔ pɔ á kèò è pii, à kè maa wásawasa** (Daalea 1.31).



Demé Lua kèi?

Lua ku za káau mé aɔ ku gɔɔpiie. A daalekii n̄ laakiiio v̄io, ìò ku gɔɔpiie.

Dii mé Lua s̄iande ũ, aapi mé Lua b̄ée ũ, gɔɔpii Kiae (Zelemi 10.10). A doũ n̄ lí ge gb̄e pɔ wà n̄ díle t̄aa ũɔowao. Aa v̄ia, aa sw̄ado, aa w̄eni v̄io. **Za musu Dii** ì


gugwa z̄ile, ì gb̄enaz̄inaɔ e pii (Soũ 33.13).

Ì n̄ ȳama. Tó ma lez̄uaazi, ì ma ȳama (Soũ 4.3). Lua ì ȳa'ò à mè: **Musudeɔ, à ȳama! Gb̄é pɔ ku z̄ileɔ, à sw̄akpa!** (Isaia 1.2).

Ì ȳa'ò gb̄enaz̄inaɔne. Ké a de Lua ũ ȳai, ȳa pɔ ì oá s̄ianaɔ.

Sĩana de beeao. Aà yã pɔ kēa
Bibeli guu si sĩana ũ seasai.
N yã mé sĩanapi ũ (Zãa
17.17). N àa naaikε! **Dii ma
Lua, n zõkε lé vĩo** (Soũ
104.1). Gbēnazĩna yãpii dõo,
aa fĩ yãpii kεo. An gbãa lé
kue. **Gbēe kua adoa lan
Diiwao, gbēe ku láaawao**
(1 Samueli 2.2). A kēa
vãiwa, mé aà yã ì zé vĩ.
Luae kuo, ma baasio (Isaia
45.21). **Lua ìo yenzie** (1 Zãa
4.8). A yenzi lá n dεwa. **Mi
musu n zĩleo pao le?**
(Zelemi 23.24). A ku gupiiu.
A kãinnɔ tia. **Dii Lua mé
yãpiidõna ũ** (1 Samueli
2.3). A n dõ. Lua lí fu
yãewao. (Luku 1.37) A fĩ yã
pɔ a yei ke pii. **Lua naai vĩ**
(1 Kɔlenideɔ 10.13). A de n

kpanziε ũ, ì n dõa. Nýõõ doũ
gɔɔpiiε. (Soũ 102.28) **Ma
Dii mili lileo** (Malaki 3.6).
Baade àɔ dõ ké Lua mendona
sĩandepiá gbēɔn aaõε. Mae
Lua ku, gbēe i wesiaàleo. À
wá ké, a yewázi, ì wá dõa.
Lua Ne ku Yesu Kilisi ũ.
À mò dũnia guu gbēnazĩna
ũ, wà aà è, wà aà yãmà.
Õme ì wá suaba à géwanɔ a
Mae kĩi. Lua Nisĩna ku, ì to
wà Mae Lua laasoo dõ, ì wá
gba zé wà Yesu naaikε, ì to
wà dõ ké Lua yewázi. Mae
Lua, Lua Ne, n Lua Nisĩnao
mé Lua mendona ũ.
**À Dii taasile ewaasoɔ n
wēndiaɔ pii, nefēnen
gbēzõõ** (Sou 148.1, 12).



Lua ma yã dĩa?

Pɔ pɔ wá kè lá à wá pɔ gbà,
ìò beee víwêe, wi laaidɔwà.
Lá Lua wá kè à wēni
dàwágu, òme wá ví mé wá
beee víè.

Àò dǎ kè Dii mé Lua ù, òme
wá kè, òme wá ví. Wá de
aà gbéó ù (Soũ 100.3).

Bibeli mè: Lua gbēnazinao
kè azia taa ù. Aazia taa ò à
ní kè a ù (Daalea 1.27).



Luaá gbēnazīna no. I ke wá oa mé b̀̀wàò. Āma Luaá gbḗ, ẽ à wá ké gbé́õ ũ. Lua ìò ku g̀̀wpii, ẽ à p̀̀ p̀̀ ìò b̀̀é g̀̀wpii d̀̀wēē wá me guu. Wi laasooke, wi yã'o, wi yekõzi, wi p̀̀nake, wi p̀̀ ke lá Lua ì kewa. Āma wá f̃ p̀̀ b̀̀ gugiũ láaàwao. Lua ado mé a f̃ p̀̀ ke màa. Nýõ f̃ ñ lizõ, ní kadiu. Nýõ f̃ kàa ke ñ bláatio. Nýõ f̃ ñ lakē, ní yã p̀̀ ñle a laasookeõ taataa ke.

Màa Lua n ke a taataa ũ. A yãì tò ì n yãda, ì laaidõma. Lua i gbēõn plae ke doũo. Baa i lí bui men plae lá ke doũo. Gbēe ku a doũnno wásawasao. Ñ ndoae. Bee yã mé tò l̀ ñ beee ṽ Luae. N beee ṽè maamaa. **P̀̀pii b̀̀ aà k̃iie, aa ku ñ aà gbãao, mé aà p̀̀õne** (Lomadeo 11.36). Lua n ke a p̀̀ ũ. A ye yãe kennõ. Yã bee maa deñla, asa Lua maae. A yãì tò n kua dũniau pão.



Lua maa mé yāvāi n̄ taasio ku s̄o be !



S̄ianaε, Lua p̄pii k̄ε maa mé a k̄ef̄εn. Āma gb̄εε m̄ò à aà z̄i s̄o k̄p̄à. V̄ai i b̄o Lua k̄iio. Ā b̄ò Set̄au p̄o w̄i me l̄o Ibiisi ge Gudena k̄iie. Ōme Lua n̄ gb̄ēnaz̄inao ib̄εε ū. Set̄au de malaika maa p̄o Lua aà k̄ε ū ȳaaε. Ḡoεwa w̄à d̄oεsaik̄e èw̄à, aà k̄ef̄enk̄e ȳai à az̄ia s̄ε les̄i. Malaik̄ao z̄εaan̄o dasi, s̄ Lua n̄ ȳá, aai z̄ōlek̄ii e luab̄e l̄o, s̄ aa ḡò t̄āo ū. Ō Set̄au z̄ew̄εle à ḡōε s̄ēia n̄ n̄ε s̄ēia Adamu n̄ εvao ḡále, s̄ a f̄ō.



Gɔɔ pɔ Lua dũnia kè, Lua nĩ gbēnazĩnao de kɔgbéú ũe. Aaìo ku nĩ kɔo aa yekɔi, an pɔ na kɔwa, an lé doũ. Dii Lua gɔɛpi dìle Edeni lupiu, aàò a zĩke, io ɔliai. Õ à yãdileè à mè: Nìliɔ lupi lí pii be ble, ãma nsuli lí pɔ ì to wà maa nĩ a vãio dɔ be bleo, asa gɔɔ pɔ nĩ blè, n gae (Daalea 2.15-17).


Lua pɔpii kè Adamu nama yãie. Tó à Lua yãmà yãa, dɔ àle pɔnake. Tó i aà yãma sɔo, a gae, aɔ sãnu nĩ Luao loo. Wēni ì bɔ Lua kĩie, kēa Luawaá gae.

Mle mé kɔni vĩ de sēanɔbɔ pɔ Dii Lua kèɔla pii, Õ à nɔe là à mè: Lua mè, ásu lupi líe be bleoɛa? Õ nɔe wè mlepiwa à mè: Wi lupi libe ble, ãma lí pɔ ku lupi guo, Lua mè, wásu wà a be bleo, wásu ɔkãwà seo, ké wásu gao yãi. Õ mle òè: Á ga seo! Lua dɔ tó á blè, á wé a ké, í gɔ láawa, ío maa nĩ vãio dɔ.

Ké nɔe è lípi be kefeũ mé a blea aɔ na, a to gbé wé ké, Õ à a be bò a blè. A kpà a zãwa, Õ a blè sɔ. Ampla mpìi an wé kè, Õ aa dɔ sa ké wa ku puizi. Õ aa goola láo nàmi aa nãzi. (Daalea 3.1-7)

Èede gwa we! Waiyoo! Èva yãpi sì, Õ Adamu tei. Aa Gudena yã sì sĩana ũ de Lua pɔla, Õ aa zèò wà bɔ Lua yã kpe. Tɔɔ! Yãvãi gè an sɔ guu, Õ wà nĩ yá wà nĩ bóle Lua kii. Za gɔɔ bee Õ yãvãi gè gbēpii sɔu. Beewa vĩa nĩ pɔsiao nĩ pãsiò nĩ sòleo nĩ zanguo nĩ zĩo nĩ gao gè dũnia guu.

Gbēe baa ku à gé pɔkũma dadaio ge ɛetoa ge swãgbãa ge nɔsepãsi ge màadeke ge yea nĩzi, asa yãvãipio ku wá sɔu kò za wá igɔɔe. Ibeɛ pɔ nĩ tɔá Ibiisie (Matie 13.38).



Zé ku wà se wà Lua lea?



Lua mè: Zé ku men doe. Lá i ma yāmao, sema à go ma kīi zāzā. Asa vāi a fō àò ku ma kīio. Āma má gi màò yeázie, má tó wà ea lèdoũke. Má a Ne zīwá. A wei wà ĩadawa á gbeu, i a wēni kpá á yāi.

E gɔɔ bee àò ká, àliò sōmazi n sa'oaò. Àli sa'o n são a seela ũ. Sãpi lí ga á gēē ũ, mí á kē ma Ne pɔ a mó yāi. Tɔɔ, Adamu ne Abeli yāpi

mà, ò à zé maapi sè. À sã sè à sa'òò Luawa. Lua Abeli gbà sì, ò à aà kè lá a a legbèwa. Abeli vīi Kainu i azīa dō taaede ũo. Àle e a yāmaakea mé a to a yā ká Luagu. Ò à azīa kɔɔ pà. Aà bua pɔɔ ò à Lua gbà, ò aà yā i ka Luaguò, i aà gba sio. Kainu pɔ pà maamaa, ò à gè à a dāunapi dè (Daalea 4.1-12).



Lua ye wàò ku zé maa guu,
wíó yã pò maae dõ, wíó tei.
Õ à zèò à gběe sé n àa buio, i
a ikoyã dadané, aai o dũnia
gběpiie. Beewa ã Lua
Ablahaũ sè, ã àa bui Isailio
gò Lua gbéú ũ.

A gbèa ã Lua a ikoyã zĩna
men kwio kpà Moizi pò de
Isailio gbèzõõ ũwa. Beeò wì
mè, yãdilea men kwio. Aa de
gbènazĩna bui pii pò ũ. An
keeò gwa ke:

Ásu àò diie vĩo, ma baasio.

Àli á de n á dao kpela.

Ásuli gbé deo.

Ásuli wule n gbèpãle nòo.

Ásuli kpãi'oo.

Ásuli yãdò á gbèdeewao.

Ásuli á gbèdee ua bĩikeo.

(Boa 20.3-17)

Yãdileapio maa. Lá Lua
yewázi, yã pò a d̄ilewēe wà
ke dewēe báaa yã ũe. Áma
wá n̄se maa. Ayãmeto
gbēe lí f̄ò àò yã pò Lua
d̄ilepio k̄ua ḡoɔpio. À yãpio
d̄ilewēe ké wà d̄õ wá f̄õ wà a
yãma a d̄onlesaioe. Tó Lua
Ne m̄ò, a wá n̄se lilewēe,
wíó swāsea Lua yãi nide sa.
Õ Lua ānabio z̄i aa yã'o a
gb̄ēone, aai a Ne m̄oa bao
kpané. Ānabipioá gb̄é pò aai
Lua yã'oné n àa Nisina
gb̄āaoone. Ānabi Isaia m̄è,
Lua Ne ia aò de dabudabu yã
ũ, à m̄è: **Wēndia lesa a n̄si,
a ne'i ḡõe ũ, i t̄okpaè
Emanueli** (Isaia 7.14).



Tópi m̀e Lua kuwanɔ. Ǻnabi Mise m̀e, wa nepi i z̄ɔewia pɔ ẁi me Betelɛũe (Mise 5.1). Isaia m̀e, Lua Ne a taasike maamaa wá duunɔ yǎi. Duunkeaá yǎ pɔ Lua yeio keae ge gia yǎ pɔ a ye keaie. **Wà aà z̄ɔ wá taaeɔ yǎi, wà aà ẁwi wá yǎvǎio yǎi. Ǻa pɔ wa dàwàpi wá gbá aafia, aà flaala iaɔ mé wá gbǎgbà** (Isaia 53.5).

Yesu mɔa de yǎ pɔ dàale luabe ũe, z̄i pɔ Lua Ne ò a Mae: **Má ké! Lua, ma mɔ n pɔeǎ keie** (Ebeluɔ 10.7).

A de lá àle oèwa: N̄ ye gbēnazīna pɔ aa kpelīneɔzi. N̄ ye ò n̄ suaba. Má yeńzi s̄ɔ, mé ma sɔu mà mà vǎi pɔ á kékɔwa sé. Ma sɔu mà ò n̄ kpēnemu u bɔlea an gbeu.

Má gé d̄unia guu, wi ma i gbēnazīna ũ, ké mà a wēni kpa sǎ pɔ ẁi sa oò ũ an yǎi.

Má de sǎ pɔ n̄ kpà ũ, ké aasuli sa'ò n̄ pɔtuɔɔ loo yǎi. Ní n̄ suaba ma naai pɔ aa ke yǎi. Tó má ku n̄ guu, ma gwea a ɔlɔné lá n̄ ye aao ku, asa má misiile n̄ yǎdileaɔne piiie.

Gɔɔ kpele a mɔ s̄oi?

Gɔɔewa Lua a malaika pɔ ẁi me Gablieli z̄i wēndia pɔ ẁi me Maliamawa. A ku Nazaleti, Isaili busuu, gu pɔ Yudaɔ kuu. Nɔe piá li'ǎna Yosefu nɔkpamae. Yǎpi kè Lomadeɔ kia z̄ɔɔ pɔ ẁi me Sezaa Ogusi gɔɔe. À kà wè ɔaa kwi sa.

**Kpelewa
Yesu m̀
dũnia guui?**



Gablieli ò Maliamae à mè: Maliama, nsu to vĩa n kũo, asa Lua baaadàngue. Ma! Nýõ nɔsi, ní ne'i gõe ù, ní tókpaè Yesu. Aɔ de gbězõ ù, wàli oè Musude Ne. Dii Lua a àà kpa àà dezi Davidi kpalau, iɔ de Yakɔbu buio kia ù gɔɔpii, àà kpala aɔ láaa vĩo.

Õ Maliama ò malaikapie: Lá mi gõe dõ yãao, bee a ke kpelewa ni? Malaika wèwà à mè: Lua Nisĩna a dine,

Musude gbãa i mɔma. A yãi ne pɔ nýõ ipi kua aɔ adoa, wàli oè Lua Ne.

N dae Elizabeti negõe nɔsia sõ a zikũ guu. Nɔe pɔ wa ðile fii ùpi ku ní nò mɔ sooloo tia. Asa Lua lí fu yãewao. Õ Maliama mè: Dii zòblenan ma ù. Aà kemee lá ní òwa. Õ malaikapi àà tò we.

(Luku 1.26-38)

Yesu ku gɔɔpii, Luae. Bee yãi àà ia de dabudabu yã ù. Yãbɔnsaee, mé sĩanae!



Ké wà Yesu ì, b́ome k̀ei?



Yesu igwá Lua yāpii lekpaāi ké Maliama ń Yosefuwo aawo ku Beteleũ, wēle pɔ ānabi Miseen ò wa suabana iu.

Beteleũ ɔ Maliama a yoa iu gōe ũ. À zwāa fīwà à aà wùle pɔtuwo pɔblebɔ, ké aai gu e nibwo pilakīio yāi.

Wi Lua Ne i kia ne ũo, aà wùlekīi tekeao, À a gawi tò luabe gīae. **Á wá Dii Yesu Kilisi gbēke dō. Aà pɔde'ia à gò pɔsaide ũ á yāi, ɔ aà pɔsaideke guu à á ké pɔdeɔ ũ** (2Kɔlenideɔ 8.9). Aà aizee pɔ a vī ku gwɔpii. Lá a yewázi à k̀e zài, bee yāi à yāpi k̀eiwēe.

Malaika pɔ aai zīke Luae luabeɔ pɔnakè Nepi ia yāmusu. Yesu igwá aa lesi, ɔ aa b̀le aa m̀ sādānawo, aale ń sāw d́sa sēu Beteleũ wēnkpe gwā. ɔ malalikae ònè à m̀: Ásu to vīa á k̀io, asa ma mo baona kpáíe, gbēpii pɔ a ke na maamaa. Wà Suabana iè Davidi wēleu gwāa, ɔme Mesi ũ, Dii ũ. Ké malaikapiw gònlā aa tà luabe, ɔ sādānawo òkōe aa m̀: Wà gé Beteleũ wà yā pɔ k̀epi e, yā pɔ Dii tò wá d́. Aa f̀le kpakpa aa g̀, ɔ aa b̀ Maliama ń Yosefuowa ń netēnapiwo wulea pɔtuwo pɔblebɔ.



Gɔɔ pla gbea ɔ ɔdeɔ m̀ kulei Yesue s̄. Saanyãd̄naɔne. Ké aa kà Yelusaleũ, aa gb̄éú là aa mè: **Ne pɔ wa ì Yudaɔ kia ũ ku má ni?** (Matie 2.2). Ké Elodi pɔ de busupi kia ũ yãpi mà, à bilikè, asa àle e áme á kia ũ. Ɔ saanyãd̄napio saana pɔ aa è gukpe oi yãa è lo, ɔ saanapi gè zè nepi kukiia. Ɔ saanyãd̄napio gè kpéu, aa Yesu è we n̄ aà dao, ɔ aa wùle n̄ gb̄eu aa kùlèè. Ɔ aa n̄ aizee kpagoloɔ wèwè, aa aà gbà vua n̄ líɔ ḡinanao n̄ tulaletio. Bee gbea aa èa tà n̄ zé p̄aleo, aai leza ki Elodiwao, asa aà n̄seḡɔa

zafèe, aà pɔ yà ké wà kia p̄ale ì a busuu yãi. Lá wì wè nao tia, à dàale Yesu igɔɔwae.





Yesu nefɛnɛngɔɔ a de lan ne kɛniɔwa yã?

Ké ki Elodi mà saanyãdɔnaɔ tã, aa gí kia dafu pɔ wa ì kukii oie, ɔ aà pɔ pà, à negɔɛ pɔ kà wè pla ge i kaoɔ dède Beteleũ ní a bualoũɔ pii.

Ãma saanyãdɔnaɔ taa gbea Dii malaika bɔ̀ m̀ Yosefuwa nana guu à m̀: Fele nepi sé ní a dao, ní baale táńno Egipi, níɔ ku we e mà m̀

yã'one lɔ, asa Elodi a nepi weele à dee.

Õ Yosefu fèle gwãasĩna, à nepi sè ní a dao à táńno Egipi. A ku we e Elodi gè g̀.

Ké Elodi g̀, ɔ Dii malaikapi bɔ̀ m̀ Yosefuwa Egipi nana guu à m̀: Fele nepi sé ní a dao, ní táńno Isaili busuu,


asa gbé pɔ aale nepi wɛɔ
gàga.

Õ à fèlɛ, à nepi sè ní a dao à
tàńńɔ Isaili busuu, à gè zǝle
wèle pɔ wì mɛ Nazaleti.

Nazaleti ò Yesu zǝkùu. Ì
zíkɛ a daɛ, ì dɔ Yosefule a
li'ákii. Aà yā pɔ adoa men
doɛ, mé yābɔnsaɛɛ. A yāvāi
vīo, asa Yesuá Luaɛ. Sīana
guu a de gbēnazīna ũ, mé a
èa de Lua ũ.

Ke à kà wè kuepla, aà de ní
aà dao gèaanɔ Lua ua
Yelusaleũ dikpe pɔ wì me
Gēamusu gɔɔzī. Tó Yuda
negɔɛɔ kà màa, wì géńńɔ
dikpepiuɛ. Wekii aai Mɔizi
ikoyā mau ní ānabi yā pɔ
kēaɔ. Yāpi ì ke Yesue na
maamaa.

Dikpe gbɛa Maliama ní
Yosefuo èa lé tá ní ní gbéɔ, ò
zé guu aa è ní yoa kuńńɔ.
Wegɔɔ aa èa gè Yelusaleũ. A
gɔɔ aaǝde zī, ò aa aà è Lua
ua zǝlea yādanɛdeɔ guu, àle
yāmamá, àle yālalamá. Aà
yādɔa ní aà yāweamáo di
gbé pɔ aale aà yāmaɔwa pii.
Ké aà de ní aà dao aà è, à bò
ní saɛ, ò aà da òè à mè:
Bɔyāi ní kèwèè màai? N mae
ní mapio, wá pɔ yà n wɛɛlea
guu. A wèmə́ à mè: Bɔyāi
ále ma wɛɛlei? Ké à kù màò
ku ma Mae kpéu, á dɔo le?
Yesu èa tàńńɔ Nazaleti, à
misiilené. Yesu zǝkù, aà
òńɔ kǎfī, mé a na ní Luao ní
gbēnazīnaɔ (Luku 2.40-52).



Goo kpele Yesu nà a zīwai?

Tó kia lé mó wēle gwai, wì zekèkèè wásawasae. Màa sǒ, ké Lua Ne lé mó, Lua pǒpii sɔukèè gĩa. Bee yāi à gbé pǒ wì me Zāa zǐ.

Zāa iaá yābɔnsaεε. Lan Yesu iawa Lua a malaika Gablieli zǐ aà a baokpa. Sa'ona pǒ aà tón Zakali ku Yelusaleũ. Goo

pǒ àle zīke Lua kpéu, ǒ Gablieli bǒ mǎwà. Zakali na tón Elizabeti, Yesu da Maliama daεε. Zakali ǒ Gablieli bǒ mǎwà káau, a gbea ǒ à bǒ mǎ Maliamawa. Zakali n̄ Elizabetio aàò wabike Luawa mǎmǎwó ké aa

e ne'i yāi. Tiasa aa zikū, aale
e ne'i gēñlae.



Ké malaikapi m̀, a ò Zakalie
à mè: Lua n wabikea mà. N
na Elizabethi a ne'i gōe ũ, ní
tókpaè Zāa. A gbéó keke an
sou io màà Diiē. Baona de
beeao. Āma Zakali i yāpi
sio, ɔ Lua tò à swādokū e wà
gè wà nepi ìò.

Ké wà nepi ì, Zakali léna
gòle, ɔ à yā'ò à mè: Mpi sō
ma ne, wàli one Musude
ānabi, asa mme nýɔ doaa ò
zekeke Diiē. Nýɔ to aà gbéó
dɔ lá a n suaba, lá a n duuna
kēmá.



Zāa zōwkū à kè gōgbāa ũ, ɔ̀ à gè sēu. Ìo yiongo ká pɔkasao daa. Kwa ní z'io mé aà pɔblea ũ. Ké à nà waasokeawa, wìo mò aà kīi dasidasi Yuudēi, ɔ̀ ì oné à mɛ: À nɔselile, kpala pɔ̀ b̀ Lua kīi kà kái. Aaì ní yāvāi o gupuau, ɔ̀ ì ní da'ileke Yuudēi.

Bee de seela ũ ké aa nɔselile aa yāvāi tò. Beewa ìo gbéó keke aa gbākpa Yesuzi.

A gbea ki Elodi Zāa dàkpéu, ɔ̀ aà nɔ̀ nɔ̀sepāsīde Elodia tò wà aà dè. Zāaá naaidee Luae e à gè gào.

(Luku 1.5-80, 3.1-14)



Setãu Yesu tò

tεεεε?

Bee a kōse ní aà dàaoo! À aà kpàkpaε, ké gɔɔ pɔ à a zé è, ̄ à f̄lewà ní z̄io.

Yesu kà w̄ε baakwi, ̄ à b̄ò Nazaleti, à gè Yuud̄ei Z̄ãa Da'ilená k̄ii aà a da'ilek̄e. Ké Z̄ãa aà è à m̄è: **S̄ã p̄ɔ Lua kpà à d̄ũnia duuna wolon ke** (Z̄ãa 1.29).

Yesu da'ilek̄è lan gb̄ēpiiwa. Aà bàa ku ní duuna awakpaaoo, asa a tàae v̄io. I ȳãv̄aikeo, i ȳãv̄ai oo, i laasoo v̄ai keo.

À da'ilek̄è, ké à ɔɔ gb̄ēpiiε a m̄ɔ keiwano doūε, ío ku wá ȳãi, í ga wá ȳãi.

̄ Lua ȳã'ò ké gb̄ēpii e d̄õ ké Yesuá a Nεε à m̄è: **Gb̄ée beeá ma Nεε, má yeaazi, ma p̄ɔ k̄èwa na** (Matie 3.17).

Ké Yesu da'ilek̄è, à bùa ḡɔ̄ɔ. Luabe w̄εaa, ̄ à Lua Nišina è, àle su lan felenawa, à ðiε.




Bee gbea Yesu gè gbáau. Wekíi Setãu àà yǎu, à kè gɔɔ bla. À zewèele pii ké à gi Yesue àà wá suaba. A wèele à àà de yãa a nef̃enengɔɔ. Tia sa àle nae Yesuwa àà zã Luae yãwa. Tó à yã pɔ ále yá lè, lá a kè Adamu n̄ Eɔvaɔne Edeni swalu guu yãawa, d̄õ Yesu a f̄õ géwanɔ Lua k̄iio. ãma Yesu zè gi f̄inini. Setãu Yesu ȳò ḡen aaɔ, ãma Yesu ì gièe, ì yãzãsiwà n̄ Lua yão.

Setãu òè à mè: **Tó Lua Nen n ù, o gbee bee li p̄ee ù.** Yesu wèwà à mè: **A k̄ea wà mè, pɔblea yã ã gb̄enazina kuò adoo, sema yã pɔ Lua lé o pii.**

Õ Setau gèaanɔ Yelusaleũ, à àà zè Lua kpé musu à mè: **Tó Lua Nen n ù, n̄ nzia zu zile, asa a k̄ea wà mè, a n yã'o a malaikaone aa ɔdamaa.** Yesu òè: **Wà mè, nsuli Dii n Lua le n̄ gwao.**

Õ Ibiisi àà sè gèaanɔ musu, ã à d̄unia kpalaɔ ɔlèè pii a zegbeu ḡɔɔ à mè: Má n gba iko beeɔ pii n̄ a gawio. A ku ma ɔziè, gb̄é pɔ má yei ã má kpáwà. Tó n kulem̄e lé, a ḡõ n pɔ ùe pii. Yesu wèwà à mè: **A k̄ea Lua taalau wà mè: Kúle Dii n Luae, ã n̄yɔli wuleè, n̄íɔ zɔbleè ado.** Ké Ibiisi Yesu ȳò n̄ yãpiio a làa, ã à àà tò we e gɔɔ pãle. (Matie 4.1-11)





Yesu zĩkè ado yà?

Ãndeleá Zãa Da'ilena iwaɔ doɛ, mé a de Yesu iwa sɛiaɔ do ũ. Yesu aà sisi aà mɔ a be, ɔ à oosi blèaanɔ we. Tia sa a dɔ ké Yesu mé gbé pɔ ãnabio ò a mɔ ũ. À aà è, à yãbɔnsaɛ pɔ àle o mà, ɔ à mè: Sema ma vīi Simɔ yãpi ma. Ké à aà lè, a òè ní pɔnao à mè: Wa Mesi è. ɔ à gèaanɔ Yesu kīi. Yesu aà gwà soee à mè: Zãa ne Simɔn n ũ. Wali one sa Piɛɛɛ. (Bee mè gbɛ.)

Ké a gu dɔ, Yesu ye ta Galile busuu, ɔ à kpàaũ ní Filipio. A òè: Temazi. Filipipiá Ãndeale ní Piɛɛo be wēle Besaida gbéɛ. ɔ Filipi gè Natanaeli lè à mè: Gbé pɔ Mɔizi a yã'ò a ikoyã guu, mé ãnabio a yã'ò lo, wa aà è. Yosefu ne Yesuɛ. Nazaleti gbéɛ. Ké Natanaeli Yesu è à mè: **Metelu, Lua Nen n ũ, Isailio Kian n ũ** (Zãa 1.35-51). Beewa Yesu lé iwaɔ e.

A gbea Yesu lé bebe Galile isida gɔsɔle, àle gbéɔ wɛɛle aa pɔpii tó aa teazi. ɔ à gbɛɔn plaɛɔ è, Piɛɛ ní a dāuna Ãndealeo, aale táalu kpá isidapi guu. ɔ à ní sisi à mè: À mɔ temazi, mí

á ke gbēweelená ù. Aa laasookè aa mè: Wà p̄pii tó wà teaazia? Ao! Asa a dēwē nibō ù lō. Wá àà d̄ kò mé wá yeaazi. Wà gé. Wà wá táalu to we, wí teaazi.

Ké Yesu gè ae γω, à Zebede neō è, Zaki n̄ a dāuna Zāao, aa ku gó'ilena guu, aale n̄ táalu keke. Yesu n̄ sisi lō, ò seasai aa n̄ mae tò gó guu we n̄ à zīkená, aa b̄ tēaazi. An zīkea n̄ Yesuo guu ò Piē n̄ Zāao ḡ k̄ gbē ù.

A gbea, ò Yesu a iwa gbēon kueplá d̄le aaō kuanō gōōpii. À tó kp̄né Lua zīnā. Aame aa àà iwa gawidē ù. Wá àà iwa gbēon sōō tó d̄ k̄: Piē, Zāa, Ādele, Zaki n̄ Filipio. Bee gbea Batelemi ku lō n̄ Matieo n̄ Tomao n̄ Alafe ne Zakio n̄ Tadeo n̄ Simō n̄ Yudasi Isaliotio.

E Yesu àō gé n̄ dilei à wabikè gwāasīn do. Ò à n̄ k̄aa à n̄ z̄ n̄ a t̄o. Aa f̄aa gbēon plapla, aa gè wēle n̄ wēleo, aale Yesu baonakpané, aale gyāēō gbāgbā n̄ gbāa p̄ Yesu n̄ gbáo.

(Maaku 1.16-20)



Zĩ kpele Yesu kèi?

Yesuá Luaε. Lá a de Lua ũ, a wēni iko vī. Ké a ku dūnia guu, à vĩa wé wēné, à swādoɔ swā wēné. A tò εεɔ taa'ò, à kusudeɔ gbāgbā.

Gbēpii lé wεεle ɔkāwàε, asa gbāa lé bɔ àà guu, àle gbēpii gbāgbāε (Luku 6.19).

Aà yākea pii ìò maaε. Ì to baa swādoɔ yāma, mé ì to lenanaaleadeɔ yā'o.

(Maaku 7.37)

Gbé kaaūae ku Kapεenaū, Galile isida saε. Aà gbēna gbēɔn síiɔ àà dà makele guu, aa gèaanɔ gua pɔ bila kàaaui Yesu yāmaa yāi.

Ké aai zé e wà gèaanɔ bila yāi, ɔ aa dèdeaanɔ kpé musu. (Busupi guu kpé musu ìò de salalae, mé a dèdekī ìò ku bàasi.)

Bɔme ì kée ke? Tɔɔ! Wà kpépi musu f̃, wà gyāepi pila Yesu ae ní bao. A oan we, a kean we. Ké Yesu è aale a naaike maamaa, à mè: Ma gbé, n duuna kèma.



Ɔ gbé pɔ aa m̀daanɔ mè: Bó ló? Duuna ló? Wa mɔ ní wá gyāeo ké àà gbá e gbāgbā yāie! Yesu d̃ màa, āma a d̃ s̃ ké duuna pɔ ku s̃ guu pāsī de mekaa gyāla z̃ɔ.

Yāpi kè Yesu ibεεɔne íi. Ké aai Yesu Luake sio, ɔ aa mè: Deme a f̃ duunakēmái, Lua ado baasioi? Ké aa e d̃ ké Luan a ũ seasai ɔ Yesu ò gbé kaaūa pie à mè: Fele ñ ní makele se ñ ta n be.

Wegɔ̄ à fèlè zè ní wáa, à a wulebɔpi sè à tà a be. Àlè Lua saaukpa. Ni aà e àlè tá beo lé? A fɔ̄ vīvī ní pɔnao. I gba maa e gbā e lɛɛ plao lé? À gbàgbā mé aà duunao kèwa lo. Aà pɔ kè Yesuwa na à kè zài. Aà gbá gbā pɔ ìli fɔ̄ sè yāao sù a gbeu sa.

Lá Yesu de Lua ũ, ɛpi gbāgbāa zīũèò, āma pɔ pɔ Yesu kè aà duunakèawà

yāmusu zɔ̄. Fīapi zɔ̄ maamaae, asa Yesu azīa wēni kpàe.

Yesu ì gyāeɔ gbāgbā gbā lo. Tó wà wabikèwà ní aà naaikɛao, zīeɔ ì ní gbāgbā esesai, zīeɔ ì ní gbāgbā ní esɛo. Tó wa aafia è, aapi mé kù wà aà saaukpa gīa. Baa tó i wá gbāgbā sɔ̄o, a fɔ̄ to wá pɔ àò na màa. Beeá dabudabu yāe lo.



Bó Yesu kè lɔi?

Gɔɔewa Yesu gè gó'ilená guu ní a iwáɔ, aale bua Galile isida baale. À kpàsa, àle i'ò gopɔɔkpe, à midì mibɔɔwa.

Deme laasoo maa kè à mibɔɔpi dileè wei? Aɔ Zāa pɔ lí kéwàò yā? Ge Piee pɔ ì yā'ò kpaá, mé ì yāke kpaá yā?

Kāndo gɔ̀̀ lá ì ke àa'aa ísipia, zaa'ɔ́an gbāa fèle. Ǿ í

lé ní gó zāampapa lan pēnkasowa, ikooa lé gē gó guu. Ǿ gó ye kpale. Iwāa kà àà iwáɔ pɔa, vīa ní kú maamaa. À sǎngu ké tó Yesu kuńɔ, an gó a kpaleo. Aa àà vù ní wāao, aa òè aa mè: Metulu! Ké wále gaga, àle kǎadanlao le?



Yesu fêlê gî ãanae, a ò íe: Ze!
Zuuke we! Õ ãana kpàlê, gu
kè kilikili lan dîiwa. Yãpi bò
aà iwao sae, aa mè: Dén
gbépi ù sai? Baa ãana n ío
aaì aà yãmae.

Wá gbépi dõ Lua Ne ù. Tòò,
wá tó yãpi bò wá sae?
Bibeli mè: **Nepi sabai ã Lua
dũnia kè, a dîle ãme a gõ
põpii vî** (Ebeluo 1.2). Lá
Yesu iko vî pò pò a kèowa:
ãana, louvã, loupilea, ísia n
tòole pò pò pii, beeá bíli yã no.

Wá wēni de lan gópiwae. Tó
wá tò Yesu gè wá gó guu, ã
wáo ku vïasai. Tó a kuwánò,
wá kpáleo.

Yesu yãbõnsae pãleo kè dasi
lo. Gõewa ã bila kãaa
dasidasi, à pēe men soo n
kpò men plao kpámá, ã aa sò
aa kã mpii. Tó wá yã pò
Yesu kèò dàu wàlê siu pii,
sema wá taalae bee taa ke
dasi (Maaku 4.35-41).





Yesu yā̀bɔ̀nsaɛ

pā̀le kè̀ lɔ̀a?

Ibiisi malaika vā̀io vī̀ a zīkenao ũ̀, wì me tāao ge zeeo. Gbè̀ pɔ̀ tāao lé ãdamáa: gōe, nɔe ge nɔo, aa kpàaṹ n̄ Yesuo, ã̀ à n̄ gbāgbà pii. Tāao dō gbè̀ pɔ̀ Yesu

Nazaleti de a ũ̀. Aa dō ké a de Lua Ne ũ̀, ã̀ aaio lualua. Asa tó Lua yā̀'òné, teasi aai aà yāmaɛ.

Galile isida sae Gadala busu ãande pāsīe ku we, a tãa vī̀ dasi. Aà ãanapio gbãa kè̀ zōo. Wìli fō wà aà kũo. Ì mò galaɔ́ n̄ lí pɔ̀ wì aà dauo gbooe. Gbēpii lé vīakeè. Ìo ku adoe, ìo bebe gevīkīi n̄ gbesīsī pɔleɔu.

Yesu gbãa ì

deńla gwońia?



Yudaɔ luasisikpe gbẽzɔɔe mé ku yãa, àà tón Zailu. Àà nɛnɔɛna pɔ kà wè kuepla lé kãsanake, ɔ àà pɔ yà maamaa. À laasookè à mè: Yesu a fɔ pɔe ke ma nɛɛ. Sema mà ke kpakpa mà gé

àà sísii. A fɛa vɔ, a fɔ à àà gbãgbãɛ.

Àle wã Kapɛɛnaũ zea guu. Ké à Yesu è, à kùle àà aɛ, à awakpàè maamaa à mè: Ma nɛnɔɛna lé kãsanake. Mo ò onawà àà gbãgbã, iɔ ku.

Ɔ Yesu wèi gɔɔ. Ke kpakpa! Yã wãaɛ! ãma zé guu wà dusakũkpàné. Nɔɛe lé gyãke à kà wè kuepla, ɛsɛdee i fɔ pɔe kɛèo. À sɔ Yesuzi àà kpe oi, à ɔkà àà ula léwa. Wegɔɔ à gbãgbã.

Gɔɔ pɔ yã bee lé ke, nɛnɔɛnapi gyã gbãakù, ɔ wà mò wà bao íi kpà àà maee wà mè: N nɛpi kèsai. Nsu takpa metuluzi pão.

Ɔ Yesu Zailu gwà soee a òè: Nsu to n sɔ kɛnguɔ, ma naaika lé. Tó má kunnɔ, ònyɔɔ wɛɔ yãpii bɔa maazi.

Ké Yesu kà gbēzōpi be, à gē gu pō nepi kuu ní aà maeo ní aà dao ní a iwa gbēon aaō pō kuaanō, Pīe ní Zakio ní Zāao. Nepi wulea a wulebōwa kilikili, aà wé kūaaa landō àle i'owa. Áma à gàe, aà vīa mé gō.

Wá me de lan pō tēwae. Tó wa ga, wá sàosi ò wì vī ado. Tēetēe ò ì gō busu ũ, āma wi gi wàò kue. Tó wá Dii pō pōpii kè yei, wá sàosipi a vue. A yāi ò Yesu ò nenōenapie à mè: Nenōena,

má òne, fele. Wegō ò wēni sù nepi meu, ò à fēle taa'ò. Làasooke lá aà mae ní aà dao ní Dii Yesu gbēō pō a kewà na.

Ké Zailu lé pō Yesu gbēe naaikè, i ke màao lé? Yesu mè: Mame má gbé pō ì geo vu à wēni kpámá ũ.

Ké Yesu geo vù gō pō a ku dūnia guu, àle òlwēe ké geo vua aō ku zia, ga aō ku aizāna guuo.

(Maaku 5.21-43).





Yesu laaidò nɛɔwaa?

Yesu ye nɛɔzi. Ké gběɔ̀ m̀ ñ ñ nɛɔ̀ aà ɔnanamá, ì ñ kpákpa a kue, ì baaadańgu. Bee ì ke aà iwaɔne nao. Aa laasookè nɛɔ̀ kè fěneũ, aa fĩ Yesu dõ gbé ɔ̀ a de a ũo, aasu ãadawào. Ỳ Yesu ɔ̀lamá à mè: À to nɛɔ̀ m̀ ma kĩi, ásu gínéo. Baa ñ ñ fěneũkeo, aa kà aao yemazi. Gbězɔ̀wɔ̀ ìo laasooke m̀ɔ̀m̀wɔ̀

aai me, gẽa ma kpalau zĩũe. Gbẽe su ào wala vĩo. Sema aà gõ lan nɛwa, ì yã ɔ̀ mi o si seasai. Gbẽpii to mà a suaba, ì dõ ké ɔ̀ ɔ̀ ále a nide ku Lua kĩie, ì wabikewà. Gɔ̀wewa Yesu iwaɔ̀ liaaazi, Ỳ à nefěnenena sisi a zè ñ ae. Gõe yã? Nɛe yã? Wá dõo. Ỳ Yesu mè: Á Mae ɔ̀ ku musu ye nɛe beo

vũaa s̄o (Matie 18 :14). Ké Yesu ye yāpi b̄olekené, ã à yālèèũné, asa ìo yālèèũné m̀òw̄w̄ a kpala yāmusue. À mè: Sādānae mé s̄a v̄i men bas̄o. Ziewa oosi ké à ḡèñ̄o kaau, à ní naò. A è à k̄ès̄a mendo! A d̄õ ké s̄a p̄o v̄ũaapi ku ga leziē. Gu lé ḡèk̄õu, ìana lé b̄ole, mé le ní w̄aio ku. Õ sādānapi a s̄a men bas̄o mendosaipiò tò kaau, à gè s̄a p̄o v̄ũaapi weelei. I z̄i z̄i'ũpi da a z̄ikenaeo. À gè az̄iaē. Ké à s̄a p̄o v̄ũaapi è lé, a sè a


dà a ḡãue, à s̄uò kaau. Õ à a gb̄ènao s̄isi aa m̄o p̄onakeano.

Õ Yesu èa mè: **M̄aae lo m̄alé oé, wa p̄onake luabe duunkena mendo p̄o n̄selile yāmusu de gb̄èmaa gb̄èon bas̄o mendosai p̄o an bàa ku ní n̄selileaooola** (Luku 15.3-7).

Yesu mè: Mame má sādān maa ũ. Sādān Maa ũ. Sādān Maa ì a w̄eni kpa a s̄a yāie (Z̄aa 10.11).



Bila lé gē lípi gbau tù .. tù ..
 tù .. tù. Õ Kāndo gbēe zè à
 wesè musu à mè: Zase, pila
 kpakpa. À kù mà i n be
 gbāe. Wá gō gesena pō da
 ligōn taau laasookè à mè:
 Ó'o! Yesu mé lé ma sisi fá! A
 ye gé ma bæe. Nasaa! Má ke
 kpakpa mà aà dile ma bæe.



Zase a kpé zewè ní pōnao, ã à
 gè ní Yesu pō de Lua gupua
 ũo. A è Yesu teazi. I giazi


yābēe pō á kèò yāio. Kai!
 Baonaè!

Gbéó lé aà yáalo, an pō pà,
 aale me: Yesu gè pilai
 duunkena be. Āma i keè yāe
 ũo.

Kua ní Yesuo Zase dō sa ké
 kpāi'oa vāi. Pō pō ku aà wéa
 yāa gò, aà wé kè sa. À lá Lua
 lé a e dō aziawa sa. Tó Yesu
 ku we à aà duuna kèwào, dō
 aò de wēnade ũe. Lá à Yesu
 naaikè, a ye à a gwea lile sa,
 ã à mè, á fō àò te Yesuzi ní ãa
 pō a a kpāi'òoo, á a aizee
 guo kpa taasideɔwae. Tó a
 gbēe taiinkèe sō, á ea à a gēe
 kpá adeww lee síiō, Yesu i gō
 a Dii ũ, ío aà yāma za gbā.

Zase gō gbé dafu ũ sa. Yesu
 aà lile, Yesu mō gbé pō sāsā
 weelei à aà suabaè (Luku
 19.1-10).

Kpelewa Yesu ò azĩa yãmusui?



Tó Yesu lé yã'ò, gbèpii ì swãse àà yãì. Ì yã'oné ní ikoo, asa yã pɔ a ò ì kεε. Àà yã siana vī. À a pii è Lua kīie, ɔ a òwēe sō. **Gbēe i yã'o lan gbépiwa yãao** (Zãa 7.46).

Yesu ì Lua yã ní a kpala yão oné. Ì luabe pɔ de a Mae be ũ yã'oné. Ì gbēnazina yã ní yã pɔ ku ní sō guuo o lo. Yesu ì azĩa yã'o lo. A de pɔ pɔ wio a nide pii mi ũε. Ì yã'owēe ní yãleeũao.

Í ye màò yenzi, mà dɔaane, mà n dĩa, mà n suabaaa?

Mame má Sãdãn Maa ũ. Sãdãn Maa ì a wēni kpa a são yãie Ma são ì ma yã ma. Má ní dō mé aaio **temazi** (Zãa 10.11, 27).

Sãdãn vãio ku, nsu ténzio. Gbēnazinaon ní ũ, aa fō n suabao. An yã siana vīo.

Í ye ñyō ku ma sã kpasa guu, niō ku ma kaa guua?

Mame má kaa lé ũ. Gbé pɔ gè ma guu a aafia e (Zãa 10.9) Kpala pɔ Lua kpà gēkīi pãle vīo.





Ń ye mà gupune, ní e ñ zese sú sua?

Mame má gupua ũ dŭniae, gbé pɔ temazi aɔ ku gusiau loo, gupua pɔ ì ní ká wēniwa ɔ aɔ vī (Zāa 8.12).

Tó wále taa'ò Yesu gupuai, a yā pɔ lí káaguo ɔlwēe, i dɔwále wà yāpi ke. Tó wá ku aà gupuai, wá pɔ aɔ nae, wíw aafia.

Ń ye ñ zé sīande pɔ ì géño Lua kīi séa?

Mame má zépi ũ, máme má sīana ní wēnio ũ. Gbēe lí gé ma Mae kīi ma kese kūsaio (Zāa 14.6).

Yesu naaíke, níw wēni pi vī.

Ń ye n yā ká Luagua?

Mame má vēe lida ũ, áme á a gōnao ũ. Gbé pɔ naaa mé má naawà, ade a kǎfiake maamaae, asa á fō pɔe ke ma saio (Zāa 15.5).

Kǎfia bee mé yenzi ní pɔnao ní kuanao ní menao ũ. Yesu mé ì bee ke wá guu.

Baaadeɔn gbé pɔ aa Lua yā mà aa kūaɔ ũ (Luku 11.28).

Wà Yesu dǎe?

Yesu ìò gé wēle ní wēleo, ìò yāmaake. Tó à yàale ní bilao, wìò pāpāwà, gbé daside lí àà dǎo. An kīi a de lan gbēpiiwaε.

Tó gbēε àà yāmà, mé aa àà yābǎnsaεkeε è, aaì o: Gbépi bǎkīi adoε, limaūn àà ũ, ānabin àà ũ.

Gǎewa Yesu a iwaǎ là à mè: **Dé i me má de a ũi? Ǔ Pieε wèwà: Mesin n ũ, Lua béε Ne.** (Mesi mè Kia pǎ Lua kpà) Ǔ Yesu òè: Sīanaε! **I ke gbēnazīna mé yā bee dàneo, ma Mae pǎ ku musuε.** Za gǎo bee Ǔ Yesu lé a Yelusaleū gea piliwà a iwaǎε à mè, sema à taasike

gbēzǎǎ ní sa'onkiaǎ ní Mǎizi ikoyādanedeǎ zǎi, aai a de, í vu a gǎo aaǎde zǎi (Matie 16.15-17, 21).

Ké Yesu yāpi bǎolekè a iwaǎε, gǎo soolo gbεa, à Pieε ní Zakio ní Zāao sè à dèdèíno sǎsǎ lesǎ musu. Yesu ye yāpii faaibo ní a Mae pǎ ku musuo. Tó yā àà lè, ì wabikewà. Tó a ye yāe sé, ì wabike gǎε. Baa tó yā lé bǎe maa, ì gi àǎ wabikeε. À wabikè maamaa gbé pǎ aa ye teazione.

Àle wabike tia sa taasi pǎ á ke ní ga pǎ lé a dǎo yāmusu. Kāndo gǎǎo àà oa lé teke lan ĩatēwa, mé àà ulaǎ gǎo punvlāvlā lan buawa. À kè landǎ wà zwaa pǎ lé kpá àà gawie gò kāndowa.



Õ Isailio gbẽzõõ, Mõizi n Elia pɔ aa ku dũnia guu yãao bõle aa mòmá. Piere n Zakio n Zãao aai wesiñle yãao, ãma aa n dõ gõõe. Lua a yãdilea men kwio kpà Mõiziwa. A yã dènguo lo? Elia sõ, ãnabi zõõe yãa. Bó yã aa a waaipa n Yesuo we tiai? Aà ga pɔ kãikũaanɔ yã õ aale o.

À mò dũnia guu a wẽni kpaayãie, mé yãzõõpi de ampil yã

ũe. Õ aa mà yã'oe bõ luabepuana guu à mè: **Gbée beeá ma Nee. Ma aà sè, à aà yãma.**

Kãndo gõõ Mõizi n Eliao kpàgui. Õ Yesu iwa gbẽon aaõpio i gbẽe e loo, sema Yesu ado, Yesu pɔ de gbẽnazina ũ lan gbẽpiiwa. Aa sè tia sa seasai de yãala ké Yesuá Lua Nee (Luku 9.28-36)

Wa ye Yesuzie?



Gbēpii no! Yesu gbé ví dasi, áma àà ibeè dasi lo.

Yesu be zéú, àà gea Yelusaleũ lén we. Wekii wa àà kũu a gēgēo. A dō yā pō lè a dá. À wèi à mō dūnia guu gaa yāie, asa màa baasio a e gbéè suabao.

Ké à kà Kukpe sīsīpōleu, ò à a iwaò zì gbēon pla wēle pō kale n̄ ae guu à mè: Tó a ka we, á zaaʼin ne bōlo e dōa, gbēe i dikpe yāao.

À polo mōò. Tó gbēe á lá, demè ò à poloi, í me Dii mé ye a mōaoi. Iwa gbēon plapiò gè, ò aa è lá Dii ònéwa. Ké zaaʼinapi diio mà Yesu mé yei, ò aa tò aa tàò. Zaaʼinapi i kaakaakeo.

Yesu gbéè n̄ ulaò bòbò aa kpàle zaaʼinapiwa, ò Yesu dikpe. Ké à Yelusaleũ zé pō pìla Kukpe sīsīwa sè, gbéè pō yeaazio n̄ ulaò bòbò aale kpale zé guu àà ae, ò aale lesi n̄ pōnao aale mè:

Baaade Kia pō lé mó n̄ Dii tóo. Aafia ku luabe! Wà Musude tōbò! Áma luasisin gbēzōòò n̄se fèle aa mè: Metulu, gi n̄ iwaone. Ò a wè má à mè: Mále oé, tó aa n̄ile, gbēo mé aa wiipi lé.

Yelusaleũdeò gi Lua Nezi. Aa ye dō gbéè pō Yesu de a ũo, kási ò oné mōòmōe, ò aa gi aafia pō à mōòné síi.

Ké Yesu Yelusaleū bíi è káaa,
à ɔɔlò, asa a dɔ́ ké yā'iaɔ
mɔwà maamaae, mé wa
deeleɛ.

Yesu gè wēleu, ɔ́ à mipè Lua
uawa gɔ́ɔ. Uapi guu laatanɔ
lé pɔ lulu, aale pɔ yia.

Ɔ́ Yesu flā sè, à n̄ yá à n̄
bɔle, ɔ́ à mè: **Ma kpé aɔ de
luasisikpe ũe. Apio sɔ́ á kè
gbēblenɔ tòò ũ.**

Gyãeɔ sɔ́aazi, ɔ́ à n̄ gbāgbà.

Neɔ lé wiile aale me: Gbāake,
Davidi Bui!

Ɔ́ gbēzɔɔpio òè: N̄ mà lá wàle
oa? Yesu wè má à mè: **Ao!**

**Ké Lua dà nefēnenɔne n̄
ne yɔ́minɔ aa a taasile, i a
kyokɛo le?** (Matie 21.14-

16). Beewa Yesu pɔ ye
Yesuzio dasi, āma laguledɔ
aà zangudeɔ pɔ zea n̄ aà
deɔɔ ò kãfiɛ

(Luku 19.28-40).



Yesu ku ga leziã?

Yesu kaa Yelusaleũ gbea, ìò gé Lua ua laguledɔe. Aà ibeɛò mò aà kīi we, aale yālalawà, aale aà kpakpa, ké aa e yãdɔwà yāi, asa aa zèdò wà aà dɛɛ.

Gẽamusu dikpe kà, Ɩ Yesu n̄ a iwaɔ gè kpediakɔa musuu asii guu, aale Gẽamusu ble ble sãnu. Wẽ n̄ wẽo Yudaɔ ìò dikpepi ke yã pɔ kè Mɔizi gɔɔ dɔaŋgu yāi, gɔɔ pɔ an dezi Isailio lé zɔble Egipi kia pāsīee.

Lua Egipi ne yoaɔ dèdɛ pii yāa, ké à teasidané aa a gbéɔ gbae yāi. Lua ò Isailione aa sã bɔbɔ sãasaio se ua n̄ uao, aai de aa a au fãfã kpé kpɛele gĩɔwa. Sã bee mé a ga ne yoaɔ gbeu. Lua mè: Tó ma aupi è, má gẽálae, á gaga weo, asa wà sã dè we kò.

Gẽamusu dikpe sãpi de seela ũ Isailione, ké Yesu a mɔ ga gbẽpii suabaa yāi.

Ké aale pɔble, Yesu kaa sè, a è'e a kpà a iwaɔwa à mè: À si à só. Ké beeá ma mee.

Yesu azīa kpà wá yāi lipãakɔawa lan sã pɔ wa dèwa.





Yesu èa v̄e s̄e a kpámá l̄o à mè: **À mi ápii. Ké bee s̄õ, ma aue. A de Lua bàa kua ní dasio au p̄o a b̄olea an duunakēamá yāi ũe.**

Yesudeo lí Gēamusu dikpe keo, āma aai yā p̄o Yesu ò ke, aai ble p̄o wì me Yesu ble ble. Aaiò bee ke Yesu gaa yā d̄ongubo ũ e aà ge m̄ò.

Ké Yesu ye olo a gb̄eone lá á yeñzi, ò à f̄ele, à saveti s̄e, à í kà tau, ò à kùlekule an baade ae, à ní gbá p̄ipiné. Aà gb̄é p̄o a de ní dii ũ, à z̄obléné, ò à mè: **Ma a taa k̄éé. Àliò ke lá má k̄éwa. Ásuli denlaweeleo. À d̄akõle**

dada. À laaido k̄õ yāwa. Ào yekõzi lá má yeáziwa.

Yesu ò lo: **Á** gb̄edo a ma kpámá. Ò aà iwao do Yudasi Isalioti b̄ò. A tò Setāu ḡè a s̄õ guu. Yesu iwao doe, āma iwa bobonae. A ye òai mé kp̄aie. Tia sa àle gé Yesu kp̄ái aà ibeowa ānusu owatē baakwi yāi. Goo p̄o Yudasi b̄ò kp̄eu, gwāasīnae, mé aà s̄õ sia lo (B̄oa 12.1-28, Matie 26.26-29, Zāa 13.1-35).



Kpelewa wà Yesu kùì?

Kpé pɔ aa kōkâaupi guu Yesu lezà a iwaɔwa. Àle luabe pɔ de a Mae be ù yā'oné. A ye pɔpii sɔu àò maà we a iwaɔne à mè:

Mále gé gukekeié, má ea mà mɔ, mí á séle mà taáno ma kii (Zāa 14.3).

À n nèse nìniné lo à mè, á Lua Nisína pɔ a bɔ a Mae kii zīmá Zennode pɔ aɔ kuńno gɔɔpii ù. A gba maa pɔ de azĩa aafia ù dàné lo. A ye a pɔna aɔ ku n sɔ guu lo (Zāa 14.16, 27, 15.11).

À yābɔnsae legbēné lo à mè:

Ma Mae a pɔ pɔ a a wabikèwa n ma tso kpawá. À sɔdile, ma zīblè dūniawa (Zaa 16.23, 33).

Õ Yesu wabikè Mae Luawa aà a iwaɔ n gbé pɔ aa a naaike n yāio suaba, aà kaedańzi Setāu yāmusu (Zāa 17.15, 20).

Ké Yesu n a iwaɔ dikpepi lesi aa làa, aa bɔle aa gè gu pɔ wì me Gesemani Kukpe sīsīpɔleu Yelusaleũ sae. À a iwa gbēɔn swaaɔɔ tò we, ò à gè ae n Piereo n Zakio n Zāao.





Yesu nðse yà. A dõ ké a gagɔ̀ kà. A ò a gbẽɔ̀n aaɔ̀pɔ̀nɛ aa itẽke aawabike. Ɔ̀ à gè aε lo ké àò ku ado.

Dẽe zɔ̀ɔ̀! Setãu m̀d̀ aà yɔ̀i lo. Tó à f̀ t̀ Yesu g̀i a wẽni kpáí wá yáí, à yãan we. Yesu a e gbẽe suaba yãa lo. Yesu kùle tɔ̀le, à mipèle à m̀: **Baa, ní yãpii zé vī, ãma ma pɔ̀eã no, sema n pɔ̀.**

Ɔ̀ malaika b̀ luabe, à m̀wà à aà gbà gbãa.

Ké à èa gè a iwao kii, Ɔ̀ à ní lé, aale i'ò ní pɔ̀siao, kási s̀ aà kraasiaɔ̀nɛ. Simɔ̀, níle i'ò yà? Ni f̀ n itẽkè baa yɔ̀ɔ̀a? Yesu èa gè a gẽn plaade, à wabikè à m̀: **Baa, to n pɔ̀eã**

ke. Aà iwao lé i'ò e tia, Ɔ̀ à èa gè luasisii a gẽn aaɔ̀de. Ké à s̀, a ònè: Gɔ̀ kà sa. À gwa À fele wà gé. Gbè pɔ̀ lé ma kpamá lé mó kee.

Ɔ̀ gbè pɔ̀ aa fẽndaɔ̀ ní goo kũaɔ̀ kà g̀ɔ̀. Yudasi mé dɔ̀aaanè. Nýɔ̀ dõ kpáí weliwe aale mó kúí! Lá an gbèe Yesu dõ, Ɔ̀ Yudasi m̀ lepè Yesuwa. Ó'ò ló! Zíbɔ̀nkpede. Ɔ̀ gbè kĩniɔ̀ Yesu d̀.

Tó Yesu yei yãa, a f̀ malaika zīgɔ̀ gbea dasidasi aa m̀ aa a suaba, ãma à zèd̀ à misiile Luae e a léwae. Ɔ̀ i ní gbeao, à zèd̀ à a wẽni kpá. Ɔ̀ à azia kpamá tɛɛ à m̀: **Mame!** (Maaku 14.32-42).





Bɔme kè ké wà tà n Yesuoi?

Gbé pɔ aa pɔ gbãa kũapiɔ gè n Yesuo sa'onkia be yã lalaiwà. Kpelewa aà iwao kèi? Teasi Piee a tɛaazie, asa a ò tia: Dii má sɪ mà ganno.

Ãma Yesu dõ ké a gbẽnapi gbãa vïo, mé àle azïa naaike. Za káau Yesu dãaa òè à mè: E ko àò gé lé gẽn plaade zui, nýõ lelekpamazi gẽn aaõ.

Yesu i ɛetoo. Tia sa ké yã wà, Piee baalè. Zaki, Filipi, Toma n gbé kĩniɔ, ampii aa aà tò we. Ãma Piee ye Yesuzi, ã à èa gè gè sa'onkiapi be ua. Nɔe zedãana aà dõ, ã à mè:

Gbéè bee kuaanɔe. Õ Piee mè: Kai! Má aà dõ fá! Piee, mme nle yã bee taa oa? Kpelewa nýõ fõ n o gẽn pla, baa gẽn aaõ, n sɪ n Luao n mè, n gbé pɔ wàle a yã'opi dõ ni?

Kokokonkoo! Ko èa lé gẽn plaade zù. Yesu mà sõ, ã à lili à Piee gwà. Ó! Gwaa bee Piee lè. A sãaagu bauo. Yã pɔ Yesu òè dãaagu, ã à bò, à ɔɔlò. Piee lelekpà a Diizie! Yesu a aà naaike lɔe? Luasisi gbẽzõɔɔ lia sa'onkiazɪ, ã à Yesu là yãpi wásawasai à mè:

Mme n̄ Lua baaade Ne Mesi ũa?
Yesu wèwà: Mame má aà ũ.

Yesu ibeε lé e egesiaε, (āma wápio wá s̄i ké s̄ianaε!)

Ō aa mè: Á mà lá à d̄ε n̄ Luao weó? Kpelewa a zeòì? Ō aa yādiè mp̄ii aa mè, wà aà de. Ō wà f̄èle wàle le'ikakawà, wàle aà lele n̄ ɔkūo, wà aà s̄ankekè.

Ō wà ḡeaaɔ Loma gbāade p̄o w̄i me Pilati k̄ii, ké aà yādaaàla, wi aà de. (Ḡo bee Lomadeɔ mé Yuda busu v̄i, amp̄io mé aa gb̄édeα zé v̄i.)

Pilati yā làlawà, ō à mè: Mi tàae e gb̄épiwao.

Baa n̄ beeo a tò wà aà gb̄è n̄ goo, ō sosao lefua kpàè. Yesu

nile kp̄é. A de lan s̄a p̄o wàle gé a kòlokpaiwa. Ké wà aà s̄s̄s̄, i a z̄ásimáo (1 Pieε 2.23)

Ḡeamusu dikpe ḡo z̄i pii, w̄i dakpeuna mendo gbaε, ō Pilati gb̄éɔ là à mè: Dé á ye mà k̄ééi? Balaba yā, ge Yesu p̄o w̄i me Mesiε? Balabapi s̄o, kp̄aiweliweε. Ō gb̄éɔ wiilè wà mè: Balabaε! Ō Pilati n̄ lá à mè: Kpelewa má ke n̄ Yesuoi? Gb̄épii mè: N̄ aà paliwa. Pilati lé zeweεle à aà gbaε, ō Yuda gb̄āadeɔ wiilè aa mè: Tó n̄ gb̄épi gb̄aε, Sezaa gb̄enan n̄ ũo. Ō Pilati Yesu kp̄amá wà aà paliwa.



Kpelewa Yesu gài?


Wà b̀ò ñ Yesuo Yelusaleũ wẽnkpe. Bila téaazi. Nɔɔ lé ɔɔɔ. Báasiae lé gẽ we, à tón Simɔ, Sileni busu gbéẽ, ɔ sosao teasidàè, à Yesu ìa ñ lipãakɔa seao.

Gbesĩsĩ pɔ wì me Gɔgɔta musu ɔ sosao Yesu pàuliwa, aa kusa pà à ɔ ñ àà gbáɔwa. Wà gbẽvãì gbẽɔn plaɔ pàliwa we lɔ, ado àà

ɔplai, ado ɔzei. Yesu lipãakɔa ku ñ zãnguɔ.

Wàle àà ke pɔpɔɔ dasi. Sosao bàa kuo. Aa àà pɔkasao kpaalè kàle, ɔ aa tɛlepà wa e dɔ gbé pɔ Yesu ulatao a gɔè. Yesu gbẽnao dasi, aale àà gwa kãaa. Nɔɔ ku àà lí gbau ñ àà da Maliamao ñ àà iwao do Zãao.

Yesu lé wãwãke. ãma lá ì kewa, gbẽpãleɔ ɔ à laaidòmá gĩa. À d̀aa wabikè a ibeɔne gĩa à m̀: **Baa, suukeñɔ, asa aa dɔ lá wàle keo.**





Bee gbea ké Yesu è kpāi weliwepiɔ do lé a naaike, ɔ à legbèè à mè: **Za gbā nyɔɔ kumanɔ aizāna guu.**

A gbea ɔ à laaidò a da ní a iwapiowa. A ò Maliamae: N nen ke! Ɔ à gbāsa ò Zāae à mè: N dan ke! Za zībeezi ɔ Maliama tà Zāa be.

Ké iatē kà minanguo gɔɔ, pɔ dāa. Gu siakù. Wà iadà Yesuwa vāikenaɔ gēē ũ ... mpi sɔ, ní ku ní guue. Yesu kè a Maewa gīa. Bee mé ɔ Yesuwa de yāpiia. Ɔ à wii gbāa lè à mè: Ma Lua, ma Lua, àkea n ma to wei?

Kēa Luawa mé de té ũ zia. Yesu sɔ à gē we, ké gbé pɔ aale a naaikeɔ su kē Luawa lɔo yāi.

Yesu lé wāwā zɔɔ ke, ɔ à mè: Imi lé ma de. Sosao sao zɔ vēe kùmawa aa pè lía aa dɔè. Ké à vēepi mì, à mè: A pii pà. Zi pɔ ma Mae dāmeɛ má kè má làa. À èa wabikè gbezā lɔ à mè: **Baa, male ma nisina nane n ozie.** Ɔ à mipèlè à gà.

Loma gbēzɔɔ pɔ Yesu gaa è pùna à mè: **Gōepiá Lua Neɛ sīana.**

Tia kéwa gbēe baa ku ní gea Lua kīi n sā auo lɔo. Lua Ne fīabò ní a wēnio kò, aà au bòle gēn do e gɔɔpii. Aà sabai zé pɔ ì gé Lua kīi wè.

(Maaku 15.21-41, Luku 23.26-49, Zāa 1917-30)



Yesu gò gɛo guua?



Yosefu Alimate gbé mé gè Pilati kīi, à wabikèwà aà a gba zé à Yesu vī a bedeo mia'eu. Ō Pilati wèi.

Yosefu lé Yesu naaike. āma asii guue. Ō à gè Yesu ge sè a dà gbè'ε pɔ wa sò dafu mia ũ guu. Wà gbè gbène gbeembò wa tà epile, ò luasisin gbèzɔɔ tò wà sosao dìle aao miapi d́a aa mè: Gyaũ! Wá ye aà iwao mɔ aa aà ge sé, aai me à bò gauo. Yesu d̀aa à a bɔa gau yã'ò a iwaoe yãa kò, āma

yãpi sãngu. An pɔ yà dúuduu. Aa yãe ni vī loo. Bee gbɛa vīa í kú.

Āsɔanezī kɔɔ káaukaau nɔe b̀, aale gé miapi kīi. An t̀ɔn ke: Maliama Madeleni í Salomeo í Yoanao í Maliama Zaki dao. Aale gé í nísi gīnana pɔ aa k̀keo, ò aale k̀ lala zéu: Deme a mia'ε gbepi gowēei? An gbãa i kao. Ó'o ló! Gbepi gbeemboa k̀ be! Vīa sosao k̀, aa g̀ ze sãii. Yesu s̀ be! A ku we loo. Mia g̀ da giie! Ō Lua malaika pɔ ula pua daa yã'ò nɔepiɔne à mè:

Ásu to í wãa ká á pɔao. Yesu Nazaleti pɔ wa p̀liwa ò ále weeleo lò? À v̀. A gu pɔ wà aà dìleu èa? A ku lao. À tá, í o aà iwaoe. Í pona z̀ɔo aa baalè gè yãbɔnsaepi oiné. Āma Yesu iwao i yãpi sio. Aale e ĩana kà nɔepiɔwae.

Maliama Madeleni èa mia kīi ado, àle ɔɔɔ à mè: Mákīi wà ma Dii dìleu mɔɔ? Ō Yesu b̀ à m̀wà, āma Maliama lé e

kaadeɛ. À aà tó sɪ à mè:
Maliama! Ǿ à aà dǾ. Pɔna ma
we.

Bee gbea à bǾ mǾ Pieewa ado.
Màa Pieɛ dǾ ké Yesu
suuukèaɔ, à èa a naaikè lo.

A oosi, ké Keleopa n̄ a gbēnao
lé gé wēle pɔ wì me Emausi, Ǿ
Yesu n̄ lé zé guu.

Gɔɔ doŋpi zǐ gwāasina aà iwao
kāaaa Yelusaleŋ kpe guu mp̄ii,
āma Toma kuínɔ, Ǿ Yesu bǾ
mǾmá. Ké Toma mà, à mè: À
sue! À yāpi tó! Mi si ké Yesu
bēɛo. Tó mi kusa gbe e aà ɔ
guu ma ɔtona pèuo, má sío.

Ké āsɔanena sù, Yesu bǾ mǾmá
lo. Ǿ à sǾ Tomazi a dè: Ñ n̄
ɔtona pe ma ɔ guu la ñ gwa.
Ǿ sea pɔ Toma kè sàale, a

seake bau loo. À pǔna à mè:
Ma Dii, ma Lua! Ǿ Yesu dè:
Baaadeɔn gbé pɔ aa yāpi sɪ
ma esaiɔ ũ.

Bee gbea à azia ɔlǾ wá
gbéɔne ké aa kāaaa gudoŋ,
aa de gbēɔn ɔaa pla n̄
basɔoola (1Kɔleni 15.6).

Yesu me adoa tia sa n̄ me pɔ a
vǐ gɔɔ pɔ i gaoo. A fǾ gē kpéu
zewēsai fenentiwēsai. Mè
dafue. Mepi a ga loo. Gbé pɔ
aale Yesu naaikoɔ aao me bee
taa vǐ gɔɔewa.

Kia pɔ ku yāaɔ gàga pii, mé tia
pɔɔ ga loe. Yesu ado mé a fǾ o:
Ma ga, Ǿ má ku ké, mé máo
ku gɔɔpiie (Ziayā 1.18).

(Matie 28.1-10, Zāa 20.11-29)



Má Yesu tàui?

Yesu yā pɔ a Mae òe à ke dūniau kè a làa. Tia sa a ea ta a Mae kīi, i oè: Ma zī pɔ n̄ dàmee kè má làa. E aào gé kēi a iwaɔwa, à a bɔɔlekèné. Daalea Mɔizi láwa e à gè pè ānabiɔ pɔwa pii, Yesu yā pɔ kēa Lua yāu azīa yāmusu bɔɔlekèné pii. Ō à mè: **Ge n̄ o ma gbéɔne, mále tá ma Mae n̄ n̄ Maeo kīi, ma Lua n̄ n̄ Luao kīi** (Zāa 20.17).

Yesu bɔa mia guu gbea ɔɔ bla à a iwaɔ sè gèñnɔ Kukpe s̄is̄ipɔɔleu e Betani pɔ ku Yelusaleū gukpe oi. Yudasi kuñnɔ loo. Aà bɔa a dii kpe gbea, à ḡò n̄ dendõm̄eɔ, ō à ānusu ɔwatē baakwipi s̄aané, ō à gè azīa lòo à gà.

Ké Yesu yā'ò a iwaɔne a làa, ō à ɔsè à baaadàngu. A gbea à f̄èle tà luabe e à gè s̄aale n̄ wéwa lounaa guu. Malaika

gb̄eɔn plaɔ b̄ò m̄òmá, ō aa mè: **Galile busudeɔ, akea á zea àle musu gwai? Yesu pɔ Lua aà b̄ò á guu à tàò a kīipi, a ea m̄ó, lá á è àle tá weewa** (Zīnao 1.11).


N̄ pɔnao Yesu iwaɔ èa sù Yelusaleū. Aa d̄õ ké n̄ Dii i ta àò ku we ɔɔɔpii no. Aa d̄õ ké à a ea m̄ɔa l̄egb̄èné. Ampii aa èa tà Yelusaleū kpé pɔ aai k̄õk̄aaakeu. Wekīi aaiò luasisiu k̄õs̄õk̄õs̄õ, aale Lua Nisīna pɔ Yesu mè á zīmá d̄á.


Ké Yesu kà luabe, yā kpele mé kèi? Wà gb̄aakp̄aaazi n̄ pɔnao, wàle lesi. Dikpe sà bílibilie!

À bíiboleɔ wēwē, à gbà zio wēwē, Kia gawide gē. Deme Kia gawidepi ūi? Dii Zīḡõde mé Kia gawidepi ũ (Soū 24.9-10).

Bó Yesu lé ke tia a Mae Lua bei? Àle z̄lekii kekewēe lá à a legbèwae, ké gu p̄o á kuu, gɔɔewa wáo kuaano we s̄. Z̄lea Lua kiblekilau àà ɔplai, ìò wabikewēe. Tó wa

wá duuna awakpà, ge tó wa wabikè Luawa, Yesu ì oè: Baa, ké ma au b̄le an duuna kēamā yāi, to a yā d̄ngu.





Yesu kɛ̀ a iwaɔwa à tà luabe. ãma à legbɛ̀nɛ̀ à mɛ̀, á ń tó n̄t̄ɛ̀ɛ̀. À ma, máo kuáno gɔɔpiie e d̄unia ge laaò. (Matie 28.20) Tó ma ta Lua k̄ī, má Lua Nis̄ina pɔ ma a legbɛ̀é

z̄iwa. Ōme aɔ de ma ḡɛ̄ ũ. Tó **Lua Nis̄ina dié, á gb̄aa'e, ío de ma seeladeɔ ũ e à ge peò d̄unialewa** (Z̄inaɔ 1.8). Yesu iwaɔ ìo luasisi s̄anu Yelusaleũ, aale gba maapi dá.

Yesu aɔ kuwanaɔ kpelewa lo ni?

Aa kà gběɔn basoolo taawa. Nɔɔ ku ní guu ní Yesu dāunaɔ ní aà da Maliamao.

Gɔɔ kwi gbea Kāndo gɔɔ Lua Nisīna dìné. Wegɔɔ ní pɔna zɔɔo aale yābɔnsae pɔ Lua kè kpawake lá à a ne zì dūniau.

Pāteko dikpeɔɔzīe. Gběɔ bɔ gupiiu dasidasi wà mɔ Yelusaleũ dikpekei. Yā pɔ aale ma bɔ ní sae, ɔ gběɔ lé Yesu iwapiɔ kè pɔɔpɔɔ. Ɔ Piee fɛle à a gběɔ yā bɔɔlekèné à mɔ: **Ānabi Yoeli dɔaa à yāe bee ɔ à mɔ, Lua mɔ: Gɔɔgbézāzī má a Nisīna pisi gběpiiwa.**

Bee kè gbā sa. Yesu pɔ dabudabuɔ kè dasi á guu, ɔ a aà pàliwa, àɔ dɔ ké Lua aà bɔ gau. À aà vù à aà sè à tàanaɔ a kīi. A zɔlea Lua ɔplaai, asa à aà dīle Dii ũ, Mesi ũe.

Ké aa yāpi mà, à ní sɔ zɔ, ɔ aa Piee ní zīna kīniɔ là aa mɔ: Gběɔ, wá sé kpelewa ni? Ɔ Piee

òné: Á baade nɔselile, í da'ileke ní Yesu Kilisi tɔo, á duuna í kēwá, í Lua Nisīna sí gba ũ. Ɔ gbě pɔ aa aà yā sɔ da'ilekè. Zībeezi ɔ wà kǎfi ní guu gběɔn ɔaa gɔo (3000).

Lá gu lé dɔ aaiɔ kɔkāaa Lua ua ní lɔdoũo, aaiɔ Dii ble ble kɔ be, aaiɔ pɔble ní pɔnao ní nɔsemendoo. Yesudeɔ tɔ guu Yesu tɔ ma we. Wì Yesudeɔ sisi an Dii tɔwae. Gbě pɔ aa Yesu dīle ní sɔ guuɔá Lua daeɔne. Lua ní dīle a neɔ ũ, mé aa de vīo ní dāunaɔ ũ dūnia guu piiie.

Màa gbā lo gbě pɔ aa nɔselile aa Yesu naaikèɔ, Lua ì ní duuna kēmá, ì ní gba a Nisīna. Yesu kuɔnɔ gɔɔpii ní a Nisīnapi gbāao.

Màa Yesu aizɛe pii ku ní ɔzī, mé aa gbāa vī aa zīble Setāuwa. Lua Nisīna gbāa ɔ Yesudeɔ í Yesu yā'òò gběɔne dūnia guu pii (Zīnaɔ 2.1-47).

Kpelewa yāpi a midɛi?

Yesu mɛ á ɛa mɔ lo. Lua zínao
Yesu ɛa mɔa pi yā'ò mpii.
Malaikaɔ a yā'ò lo zí pɔ à fɛ̀lɛ tà
luabe. Lá gudɔa zia sea vío,
màa a de n̄ Yesu ɛa mɔao. Ōme
a ɛa mɔ azía, gbɛ̀pii a wesiaàle.
(Zia yā 1.7) Zibeezĩ aɔ lè fùa
kpaa lo, aɔ de gawide ùɛ.
Yudaɔ aa aà dɔ gbé pɔ Lua a
legbɛ̀né ānabio lác guu ũ, aai aà
naaika sa. (Zakali 12.10) Yesu
aɔ de dūnia kia ũ. Gbān nò,
zian nò, Yesu a mɔ. A a lezàwá
à mɛ: **Gbɛ̀e a gɔɔ ge a zaa dɔo**
... A yāi apio sɔ, à to á sɔu àɔ
maa. (Matie 24.36, 44)

Setāu dɔ kɛ gɔɔ sà zɔɔpi lé
sɔ̀kɔi. A dɔ kɛ gɔɔ i gɔɛ bila lo,
ɔ aà za fɛ̀a. Baade lé yāpi e gbā.
Gɔɔewa a iko zɔɔ kpa
gbɛ̀nazínaewa, gbépi a Yesu
dada, a dabudabu bɔnsaɔ ke
dasi. Aɔ de Kilisi ibɛ ùɛ. A
zewɛɛle kɛ gbɛ̀pii misiileɛ landɔ
Luan a ũwa. Gbé pɔ aa Yesu

dɔo mɛ aa ye Lua yā sīanaziao
te Kilisi egenapizi (2
Tesalonideo 2.8-10).

Ayāmeto laaika! Itéke! Nsu go
Yesuwao. Lá a de pii, ñyɔ naai
vīɛ. Sɔ̀dile! Gɔɔ lé mɔ kɛ Setāu n̄
a iwaɔ aa fɔ ĩada gbɛ̀ewa lo.
Gɔɔ pɔ Lua dilɛ, tó à kà
kyáukyau, Yesu a ɛa mɔ, gbé pɔ
de aà pɔ ũo i gé daiaàle ĩana
guu. Aaɔ mɛ dafu vī, aai
kpalableaano (1 Tesalonideo
4.13-18).

Ké Yesu gè Yelusaleũ dia
zaaĩna kpe - a yā dɔngua? -
gbéɔ lé lesi, aale ðwā bila guu n̄
pɔnao. Gɔɔ pɔ Yesu èa mɔ lo kia
ũ, màa wa gbāakpaaazi dasi. N̄
ye ñyɔ ku gbépio guuo lé?

Gbɛ̀pii a bɔ gauɛ, Lua i
yākpalekeĩno. A zāwàò, asa a
yākpaleke a zéwae. Gbé pɔ wi n̄
tó kɛ aizāna taala guuo aɔ
kɛawàe gɔɔpii.

Lua a musu ní tɔɔleo ke dafu. A pɔpii ke dafu. Pɔ pɔ Setāu ɔɔkpàɔ pii, Lua a ea keke sāsā. Lua aɔ ku ní gbēnazīnaɔ lá a kuńna yāa Edeni swalu guuwa. Ga aɔ ku we lo. Ɖɔlo aɔ ku we lo. Taasi aɔ ku we lo. Āma wa vāikenae gba zé aàɔ ku Lua kīio.

Busu ní busuo Yesude pɔ aa ku za Yesu zī daalegɔɔɔ pii aa aizānable luabe gupauu ní gawio ní pɔnao. Aa wesi Luale ní à Nɛ Yesuo, aaio misiilené aaio zīkené gɔɔpii (Zia yā 20.11-15, 21.1-8, 22.1-5).

Beewa yā pɔ taalae bee dāu a siuwēe midea na de a daalekīila. Yāpiá faai yā no.



Sīanae!

À kù gbēpii àò dǎ!

Kpelewa má sé yāpi musui?

Yesu yā maaε bee kà à n lile. Lua a fĩ yāpii kene dafu tia g̃ɔɔ. Mpi, lá n deēwa, Lua yenzi gu pɔ n kuu. A bee ɔl̃ne wásawasa ké à a Ne Yesu zĩ n suabaie. Lua ye ñỹɔ ku a daεɔ guu g̃ɔɔpiie.

* Yesu naaike

N nebl̃e Yesudeɔ guun nò, ge ni bleuon nò, a g̃ɔɔ i ka baade piie à ze n̄ Yesu yāo ge a zeðo. Pɔ pɔ n̄ yei se n wēni bɔa maa yāi. Nzĩa yāε. Ma Yesu yā bɔɔlek̃ene, ké n̄ e n̄ aà naaike s̃ɔ. Lua naaikea ì bɔ baonapi maà guue.

Gb̃é pɔ z̃eaaɔ aa aà naaik̃eɔ s̃ɔ, à n̄ gbá zé aa g̃ɔɔ Lua neɔ ũ.

Wabie bee ke Luawa: - Dii, ma n saabuk̃è, ké n mɔ n ma suabà. Ma zenñε. N̄ n au pɔ b̃òle gbāao, ma duuna k̃ēa, ní s̃è dafu dameε. Ma n saabuk̃è, ké n ma ke Lua ne ũ. Ma gba gbāa mà tenzi n̄ n Nisĩna gbāao. Tó wà fenenti w̃è, gupua ì g̃é kp̃éue. Màa lɔ tó gb̃é

a s̃ɔ w̃è Yesue, aà g̃ēa ade guu f̃ēa ṽio.

Tó gb̃é ma yā'o mà, mé à zew̃ēmeε, má g̃ē mà p̃ɔbleaano, i blemano. Beewa aà Nisĩna a to ñ d̃ɔ wásawasa seasai ké n̄ wēni láasai ṽi, mé n tó k̃ēa aizāna taala guu.

Tɔɔ, bee gb̃ea sa be? N̄ỹɔ naa Yesuwa, ñỹɔ wēni dafu è. Tó n n gb̃ēna dil̃e aà g̃ɔɔ pla ke n be, niɔ kuaañε. Ni faaiboaano maamaa, ni swākpa aà yāi lɔ, ké n̄ yeaazi yāi. Niɔ ye aà pɔ àɔ nama, mé aà gb̃éɔ g̃è n gb̃éɔ ũε. A yā mé tò, tó n Yesu gbà zé à g̃è n s̃ɔu

* Faaiboaano dada

Luasisia dada kéwa:

- Dii saaukpa yāpii musu.

- Awakpaè yāvāi pɔ n̄ k̃è musu.

- Pɔ pɔ n̄ yei pii, ñ a wabikewà.

Yā men aaɔpiɔ de lan kili men aaɔɔwae. Tó n̄le z̃ikeɔ za k̃ɔk̃ɔ e oosi, a p̃ona z̃ɔɔ zew̃ēne.

* **Laaido aà yāwa**

Lua yāeɔ ku taalae bee guu, āma a pāleɔ ku à kũ ñyɔ dɔ lɔe.

- Yesu baona láo men síiɔe. Yā pɔ Yesu kèɔ ku ní guu. Aà iwa gbēɔn síiɔ pɔ wì me Matie ní Maakuo ní Lukuo ní Zāao aame lápiɔ yā dàu aa sùu, an baade ní a láo. Daale ní a men doo, ò a kyoke.

- Lua bàakuaíno gbézā taala. Zínaɔ yākeɔ ku we ní lá pɔ an gbēeɔ kè Yesudeɔeɔ.

- Bibeli búu. Lua bàakuaíno káau ní a gbézāo ku we. A de lá pɔ Lua kèwēe ùe. A guu à yā pɔ de wàɔ dɔ òuwēe pii.

* **Lua pɔeã weele**

Í n zīa gbāao íyɔ fĩ ò Lua pɔeã keo. Kyale a fĩ fele ní azīao à gémeɔ gu pɔ má yeio. Āma tó má kpà, a fĩ ma dɔɔ sɛɛ. Māa lɔ Yesu pɔ ku n guu ní a Nisīna gbāao a fĩ dɔnle ò yā pɔ ò ka Luagu ke.

Mapi má ku lɔo, Kilisi mé ku ma guu (Galatiɔ 2.20).

Yesuá n Diie, sema aàɔ n ví. Oè kéwa: Dii, má ye mà azīa pɔeã keo, sema n pɔ.

Setāu a gi àɔ n yɔe. Giè, i baasine (Zaki 4.7).

Tó à n fu zīewa sɔ, nsu to n kúsu kwé bauo, asa bee a gí n leio. Ke kpakpa, ea ò su Yesuwa, i suuukenna, a dɔnle ò awakpa gbé pɔ n taaekèèpie. Tó a zé ku sɔ, ní ea ò vāipi keke.

Tó wa wá duunaɔ ò, Lua naai ví, ò yāke a zéwa, a wá duunapiɔ kéwá, i yāvāi wolowá pii (1 Zāa 1.9).

* **Na Yesudeɔwa**

Tó wà yaamioɔna bò té guu wa dīle ado, ò gaɛ. Ayāmeto tó a zé ku, weele ò gē Yesudeɔ guu.

Wásu pākpa wá kōkāakeai lá gbēeɔ ò kewao. (Ebeluɔ 10.25) Kua ní guu íyɔ Dii yāma, íyɔ aà taasile, íyɔ dada lá íyɔ zīkèè, íyɔ ke aà seelade ũ. Tó Yesudeɔ ku gu pɔ ní kuuo, Yesu a dɔnle ní a Nisīna gbāao ò yāpiɔ ke ndo. A n gba zé ñyɔ deɛ gbé naaide ũ. Nsu ò víake ò

me, níyō fu Yesuwaeo. Ōme n | à mè: Gbēe a ní bō ma ɔzīo
kūa. Ñ nziā naè a ɔzī. A legbèné | (Zāa 10.28).

